

Litaba za Mwa Lihatiso Zebonisizwe Mwa Buka ya Mukopano wa Bupilo ni Bukombwa

MAY 2-8

LITABA ZA BUTOKWA ZEZWA MWA LINZWI LA MULIMU | 1 SA- MUELE 27-29

“Mulwanelo wa Davida”

it-1 41

Akishi

Davida hanaasaba kubulaiwa ki Saule, naizo ipata ka linako zepeli mwa sibaka sene sibusiwa ki Mulena Akishi. Lwapili, hane bamukalelize kuli neeli sila, Davida aeza inge mutu yatakana, mi Akishi amutuhela kuli aye asika mueza maswe. (1 Sam. 21:10-15; Samu 34:Manzwi a fahalimu; 56: Manzwi a fahalimu) Davida hanaaile ku Akishi lwa bubeli, naaile ni baana bahae ba 600 ni mabasi abona, mi Akishi abafa kuli bapile mwa Zikilagi. Mwahalaa silimo siliñwi ni likweli zeene zanaapilile Davida ni baana bahae mwa Zikilagi, Akishi nahupula kuli mwendi Davida ni baana bahae nebayo Iwanisanga mileneñi ya mwa Juda, hailifo Davida ni baana bahae bona nebayo Iwanisanga Mageshuri, Magirizi, ni Maamaleke. (1 Sam. 27:1-12) Akishi naapumilwe hahulu kuli mane aketa Davida kuli abe mulibeleti wahae ka nako yeo Mafilisita

nebaitukiseza kuyo Iwanisa Mulena Saule, konji kwa mafelelezo, malena babañwi ba Mafilisita hane batundamezi kuli Davida akute, kona cwale yena ni baana bahae bakupiwa kuli bakutele kwa Zikilagi. (1 Sam. 28:2; 29:1-11) Davida hanaaile kuyo Iwanisa muleneñi wa Gati ka nako yanaabile muleña, kubonahala kuli naasika bulaya Akishi. Naapilile kufitela ka nako yanaabuswa Salumoni.—1 Mal. 2:39-41:39-41.

w21.03 4 ¶8

**Mizwale Babanca—Ki Lika Mañi
Zemuswanelo Kueza Kuli Musepi-
we ki Babañwi?**

⁸ Halunyakisiseñi butata bobuñwi bwanaakopani ni bona Davida. Hamulaho wa kutoziwa kuli abe mulena, Davida naatokwa kulibeleta ka lilimo zeñata kuli akalise kubusa sina mulena wa Juda. (1 Sam. 16:13; 2 Sam. 2:3, 4) Ki nto mañi yenee mutusize kulibeleta ka pilu-telele mwahalaa nako yeo kaufela? Davida naasika zwafiswa ki taba yeo, kono naaisize pilu kwa lika zanaakona kueza. Ka mutala, Davida hanaayambaela mwa naha ya Mafilisita, naaitusisize nako yeo kulwanisa lila za Maisilaele. Ka kueza cwalo, naasilelize milulwani ya naha ya Juda.—1 Sam. 27:1-12.

it-2 245 ¶6

Bupumi

Nihaike kuli bupumi buhanisizwe mwa Bibele, fo hakutalusi kuli mutu utamehile kupatulula litaba za niti kwa batu babasa swaneli kuliziba. Jesu Kreste naaelelize kuli: “Musike mwafa linja lika zekenile kamba kunepela lipelela zamina kwa likulube, kuli lisike zalihatikela ka mahutu mi zafetuha ni kumipukau-la.” (Mat. 7:6) Ki lona libaka Jesu ka linako zeñwi naasafangi litaba ka kutala kamba kualaba lipuzo zeñwi ka kunonga hanaalemuanga kuli kueza cwalo nekukona kutahisa butata. (Mat. 15:1-6; 21:23-27; Joa. 7:3-10) Ka nzila yeswana, Abraham, Isaka, Rahaba, ni Elisha nibona nebasika bulela ka kunonga kamba kufa litaba ka kutala kwa batu bane basalapeli Jehova. —Gen. 12:10-19; kauha 20; 26:1-10; Josh. 2:1-6; Jak. 2:25; 2 Mal. 6:11-23.

Kubatisisa Litaba za Butokwa za Kwa Moya

w10 1/1 20 ¶5-6

Kana Bafu Bakona Kutusa Batu Babapila?

Munahane ka za taba ye. Bibele ibulela kuli mutu hashwa “ukutela mwa mubu,” ni kuli “mihupulo yahae yafela.” (Samu 146:4) Saule ni

Samuele nebaziba kuli Mulimu naanyaza kuswalisana ni balauli. Mane kwa makalelo Saule naaetelezi mwa kusinya naha yenenani litumelo za mioya!—Livitike 19:31.

Hamunahanisise taba ye. Haiba kuli Samuele wa musepahali naasapila sina mutu wa moya, kana naakaloba mulao wa Mulimu ni kuswalisana ni mulauli kuli akone kukopana ni Saule? Jehova naahanile kuambola ni Saule. Kana mulauli naaka hapeleza Mulimu ya Maata Ote kuli aambole ni Saule ka kuitusisa Samuele yanaashwile? Kutokwa. Kaniti, “Samuele” yo naasi yena luli mupolofita yasepahala wa Mulimu. Neeli moya omaswe wa sidimona ono ipumisa ku ba Samuele yanaashwile.

MAY 9-15

LITABA ZA BUTOKWA ZEZWA MWA LINZWI LA MULIMU | 1 SAMUELE 30-31

“Mutiiswe ki Jehova Mulimu Wamina”

w06 8/1 28 ¶12

Musabe Jehova Kuli Mube ni Tabo!

¹² Kwandaa kumutakeleza kwa kueza bumaswe, kusaba Jehova kwa Davida nekumutusize ka nzila yeñwi. Nekumutusize kuunga mihato ni kueza lika ka butali hanaali mwa

miinelo yetaata. Kabakala kuma-ta Saule, Davida ni baana bahae nebaizo tanda mwaha ulimuñwi ni likweli zeene mwa munzi wa Zikilagi mwa naha ya Mafilisita. (1 Samue-le 27:5-7) Nako yeñwi Davida ni baana kaufela hane bazwile mwa munzi, lifunga za Maamaleke zaci-sa munzi ni kuhapa basali kaufela, ni banana, ni mitapi kaufela. Davi-da ni baana bahae hase bakutile ni kubona zenezahezi, basituwa sililo. Baana bahalifa kabakala sili-lo seo mi bafumbela kumupobaula. Niha naaikalezwi cwalo, Davida naasika zwafa. (Liproverbia 24:10) Kusaba Mulimu kwahae nekumusu-suelize kusepa Jehova, mi “aitiisa ka Jehova.” Ka tuso ya Mulimu, Davida ni baana bahae balelekisa Maamaleke ni kuyo baamuha lika kaufela zene bahapile.—1 Samue-le 30:1-20.

w12 4/15 30 ¶14

Jehova Walusileleza Kuli Lutopi-liswa

¹⁴ Davida naatalimani ni butata bobushutana-shutana ni lika ze zwafisa zeñata. (1 Sam. 30:3-6) Bi-bele ibonisa kuli Jehova naaziba mwanaaikutwela Davida. (**Mubale Samu 34:18; 56:8.**) Mulimu waziba moluikutwela ni luna. Lwatiiswa-nga haluhupula kuli Mulimu waziba ‘halulobehile lipilu’ kamba ‘halu-

swabile.’ Taba yeo neitiisize Davida, yanaa opezi kuli: “Nikatabiswa hahulu ki lilato lahao lelisa feli, kakuli uboni manyando aka; wa-ziba ziyezi-tuna yenili ku yona.” (Samu 31:7) Kwandaa kuziba feela butata bwaluna, Jehova hape ulu-tusa kuitiisa ka kuluomba-omba ni kulususueza. Nzila yeñwi yalutiisa ka yona ki ka mikopano ya puteho.

Kubatisisa Litaba za Butokwa za Kwa Moya

w05 3/15 24 ¶8

Zezwile Mubano Mwa Buka ya 1 Samuele

30:23, 24. Katulo ye, yetomile fa li-ñolo la Numere 31:27, ibonisa kuli Jehova uitebuha babaeza misebe-zi ya kutusa babañwi mwa puteho. Kacwalo, selueza kaufela, ‘lusieze ka moyo kaufela inge babaezeza Jehova, isiñi batu.’—Makolose 3:23.

MAY 16-22

LITABA ZA BUTOKWA ZEZWA MWA LINZWI LA MULIMU | 2 SAMUELE 1-3

“Luitutañi Kwa Pina Yebizwa ‘Buta’?”

w00 7/15 9¶9

Mukuteke Babafilwe kumizamaisa

⁹ Kana Davida naaziyelehile hanaa nyandiswa? Naaitilelezi ku Jehova

kuli: “Kakuli . . . batu babana-ni lunya bazuma bupilo bwaka.” (Samu 54:3) Naabulelezi Jehova ze mwa pilu yahae kaufela kuli: “Unilamulele kwa lila zaka, wena Mulimu waka . . . Baana babamaata banitaseza isiñi kabakala kuli niipanguzi kamba niezize sibi, wena Jehova. Nihaike kuli hakuna senifosize, bamata ni kuitukiseza kunitaseza. Uyeme hanihuweleza mi ubone.” (Samu 59:1-4) Kana mukile mwaikutwa cwalo —kuli hakuna semufozelize ya mwa tamaiso, kono yena uwelapili kumikataza? Davida naasika tuhela kukuteka Saule. Fa lifu la Saule, kufita kuli awabelwe, Davida aopela pina ya maswabi, yeli: “Saule ni Jonatani, neli batu bane balatiwa, bane bakateleha hane bapila . . . Nebafita limbande kwa lubilo, nebafta litau kwa maata. Mina bana babasizana ba Isilaele, hamulile Saule.” (2 Samuele 1:23, 24) Ki mutala kwa bunde wa likute leli buniti ku mutoziwa wa Jehova, nihaike kuli Saule naafoselize Davida!

w12 4/15 10 ¶8

Kubetekana ki Sisupo sa Mazazi A Maungulelo!

⁸ Mwa Bibele hape kufumaneha mitala ya batu babañata bane basepahala. Halunyakisiseñi mitala yemibeli feela, kukala ka mutala wa

mutu yanaasepahalile ku Davida. Mwendi Jonatani mweli wa Mulena Saule ki yena yanaakaba mulena yatatama wa Isilaele. Kono Jehova naaketile Davida. Jonatani naalatelezi katulo ya Jehova, mi naasika shwela muna Davida. “Jonatani ni Davida baba balikani babatuna,” mi Jonatani amusepisa kuli ukasepahala kuyena. Mane naafile Davida likute leliswanelia mulena ka kumufa liapalo, mukwale, buta, ni lukanda. (1 Sam. 18: 1-4) Jonatani naaezize mwanaakonela kaufela kuli atuse Davida. Mane naabeile bupilo bwahae mwa lubeta hanaasilelelize Davida ku Saule. Jonatani naasepahalile ku Davida mi naamubulelezi kuli: “Wena ukaba mulena wa Isilaele, na nikaba wabubeli ku wena.” (1 Sam. 20:30-34; 23:16, 17) Ki iona libaka Jonatani hasaashwile, Davida naopezi pina yenebonisa mwanaaswabezi ni mwanaalatela Jonatani.—2 Sam. 1:17, 26.

Kubatisisa Litaba za Butokwa za Kwa Moya

it-1 369 ¶2

Mwanahesu

Linzwi la “mwanahesu” hape lakania kuama kwa batu babaswalisana mwa lika zeñwi ni babanani milelo yeswana. Ka mutala, Mulena Hiram wa kwa Tire naabizize Mu-

lena Salumoni kuli mwanahesu, ka libaka la kuli kaufelaa bona neli malena, ni kuli Hiramu naalumelelana ni Salumoni ka kumuфа likota ni lika zeñwi za kuitusisa kwa kuya-ha tempele. (1 Mal. 9:13; 5:1-12) Davida naañozi kuli: "Hamubone! Ki nto yende, yetabisa, batu ni banabahabo bona habapila hamoho mwa buñwi!" Taba yeo ibonisa kuli batu habatokwi feela kupepwa hamoho kuli bapile ka kozo ni kuli baswalisane. (Samu 133:1) Davida naabizize Jonatani kuli mwanahe-su kabakala lilato lene babonisana ni lika zeñwi zene balumelelana ku zona, isike kabakala kuli nebapepi-wa hamoho. (2 Sam. 1:26) Balikani babanani mikwa ni lika zeñwi ze-balumelelana ku zona nihaike kuli lika zeo ki zemaswe, bakona kuipiza kuli mwanahesu.—Liprov. 18:9.

MAY 23-29

LITABA ZA BUTOKWA ZEZWA MWA LINZWI LA MULIMU | 2 SAMUELE 4-6

**"Muzwelepili Kuikataza Kueza
Lika Zetabisa Jehova"**

w05 5/15 17 ¶7

**Zezwile Mubano Mwa Buka ya
2 Samuele**

6:1-7. Nihaike Davida naanani mu-lelo omunde, naalobile mulao wa

Mulimu ka kulika kushimba Aleka mwa koloi mi nto yeo neitisize ze-maswe. (Exoda 25:13, 14; Numere 4:15, 19; 7:7-9) Mi ku Uza yana-sweli kwa Aleka, luituta tuto ya kuli milelo yeminde haikoni kucinca li-taelo za Mulimu.

w05 2/1 27 ¶20

Jehova Kamita Uezanga Zelukile

20 Muhupule kuli Uza naaswane-la kuba yanaa ziba hande Mulao. Aleka neiyemela kubateñi kwa Je-hova. Mulao neubonisa kuli Aleka neisalukeli kuswaliwa ki batu bane basika lumelezwa, ili kulemuska kunonga kuli balobi ba mulao wo, nebaka bulaiwa. (Numere 4:18-20; 7:89) Kacwalo, kushimbulula Aleka yeo nesi musebezi ono lukelwa kuungiwa ka bunyinyani. Uza kaniti naali Mulivi (nihaike kuli naasi mu-prisita), kacwalo naaswanelia kuba yanaa ziba hande Mulao. Fahali-mwaa seo, lilimo-limo kwamulaho Aleka neiisizwe mwa ndu ya bo ndatahe kuyo bulukiwa teñi. (1 Sa-muele 6:20-7:1) Mi neiinzi kwateñi lilimo zebatoba ze 70, kufitela Da-vida aatula kuli itutiswe. Kacwalo, kuzwa kwa bwanana bwahae, Uza kubonahala kuli naaziba milao ya za Aleka.

w05 2/1 27 ¶21

Jehova Kamita Uezanga Zelukile

²¹ Ka mokutaluselizwe kwa makalelo, Jehova wakona kubona ze mwa lipilu. Bakeñisa kuli Linzwi lahae libulela kuli kezo ya Uza neeli “kashwau,” Jehova mwendi naaboni milelo ya buitati yesika patululwa ka kunonga mwa taba. Kana kikuli Uza naali mutu yaikuhumusa, yanaa hanelelanga kutula likaniso? (Liproverbia 11:2) Kana kuzamaisa fa nyangela Aleka yene bulukilwe ki lubasi Iwahabo kwa mukunda neku mutahiselize kuikanyisa? (Liproverbia 8:13) Kana kikuli Uza naatokwile tumelo kuli mane naakona kunahana kuli lizoho la Jehova nelisike lakona kuyemisa Aleka yene yemela kubateñi kwa Hae? Ka mone kubezi kaufela, Iwakona kukolwa kuli Jehova naaezize ka kuluka. Kubonahala kuli naaboni nto yeñwi mwa pilu ya Uza yene tisize kuli amubulaye ka bubebe. —Liproverbia 21:2.

Kubatisisa Litaba za Butokwa za Kwa Moya

w96 5/1 30 ¶1

Mulwalise Jehova Milwalo Yamina Kamita

Davida ka kuba mulena naanani kuba ni mulatu omuñwi ka za seo. Muhato wahae ubonisika kuli

nihaiba babanani swalisano yende ni Jehova ka linako zeñwi bakona kueza ka bumaswe mwa miinelo ya tiko. Pili Davida naahalifile. Ku-zwafo asaba hahulu. (2 Samuele 6:8, 9) Swalisano yahae ni Jehova yesepahala neilikilwe ka butuna. Yeo neeli nako fo naabonahalile kupalelwa kulwalisa Jehova mulwalo wahae, hanaasika latelela litaelo zahae. Kana wo ukona kuba muine-lo olubanga ni ona ka linako zeñwi? Kana fokuñwi Iwanyazanga Jehova kabakala butata bobutiswa ki kusaisa mamelelo kwaluna kwa litaelo zahae?—Liproverbia 19:3.

MAY 30–JUNE 5

LITABA ZA BUTOKWA ZEZWA MWA LINZWI LA MULIMU | 2 SAMUEL 7-8

“Jehova Ueza Tumelelano ni Davida”

w10 4/1 20 ¶3

‘Mubuso Wahao, Ukana Utiya Fapi-
laa Hao’

Jehova utabisizwe ki takazo ya Davida yezwelela kwa pilu. Ka kubonisa buitebuho kwa takazo ya Davida ni ka kulumelelana ni bu-polofita, Mulimu uitama bulikani ni Davida kuli Ukatahisa yomuñwi mwa Iusika Iwa Davida Iwa silena ili yakabusa kuya kuile. Natani ortaluseza Davida sepiso ya

niti ya Mulimu yeli: “Ndu yahao ni mubuso wahao likatiiswa kuya kui-le; lubona Iwahao lukatiiswa kuya kuile.” (2 Samuele 7:16) Ki mañi Mucasanda ya inelezi wa bulika-ni bo—Yena yakabusa kuya kuile? —Samu 89:20, 29, 34-36.

w10 4/1 20 ¶4

‘Mubuso Wahao, Ukana Utiya Fapilaa Hao’

Jesu wa Nazareta naasimuluha ku Davida. Lingeloi hane lizibahaza za kupepiwa kwa Jesu, nelibulezi kuli: “Jehova Mulimu uka mufa lubona Iwa Davida ndatahe, mi ukabusa sina Mulena fahalimwaa ba ndu ya Jakobo kuya kuile, mi Mubuso wa-hae hauna kufela.” (Luka 1:32, 33)

Kacwalo bulikani bwa naaitamile Mulimu ni Davida butalelezwa ki Jesu Kreste. Kacwalo, Jesu haabusi ka kuketiwa ki batu, kono ubusa ka sepiso ya niti ya Mulimu yemuфа tukelo ya kubusa kuya kuile. Luhupule kuli lisepiso za Mulimu kamita zatalelezwanga.—Isaya 55:10, 11.

w14 10/15 10 ¶14

Mube ni Tumelo Yetiile Mwa Mubuso wa Mulimu

¹⁴ Jehova naasepisize Mulena Davida wa mwa linako za Isilaele nto yeñwi. Sepiso yeo ibizwa **tumelelano yanaaezize Mulimu ni Davida. (Mubale 2 Samuele 7:12, 16.)** Jehova naasepisize kuli

Mesia naakaba yomuñwi wa baiku-lu ba Davida. (Luka 1:30-33) Ka kueza cwalo, Jehova naafile litaba zeñata ili zeutwahala ka za Iusika Iwanaaka pepelwa ku lona Me-sia. Jehova naabulezi kuli muikulu wa Davida naakaba ni “tukelo ya ka mulao” fa lubona Iwa Mubuso wa Mesia. (Ezek. 21:25-27) Bulena bwa Davida ikaba bwa kuya kui-le bakeñisa kuli Jesu, yena muikulu wa Davida, ukaina “kuya kuile; lu-bona Iwahae lukaba teñi kamita inge lizazi.” (Samu 89:34-37) Lunani buikolwiso bwa kuli puso ya Mesia haina kuba yemaswe, mi Mu-buso wo ukatisa limbuyoti za kuya kuile!

Kubatisisa Litaba za Butokwa za Kwa Moya

it-2 206 ¶2

Mazazi A Mafelelezo

Bupolofita Bwa Balaami. Pili Mai-silaele basika kena kale mwa na-ha ya sepiso, Mupolofita Balaa-mi naabulelezi Balaki Mulena wa Moabi kuli: “Taha nikutaluseze se-baka eza batu ba [Maisilaele], kwa sicaba sahao kwapili. . . . Naleli ikazwa ku Jakobo, mi mulamu wa bulena ukayema mwa Isilaele. Mi ukapwaca pata ya Moabi mi ukapwaca tutendele twa bana kau-fela ba mifilifili.” (Num. 24:14-17)

Mwa talelezo ya pili ya bupolofita bo “naleli” neeli Mulena Davida, yena yanatuzi Mamoabi. (2 Sam. 8:2) Kacwalo, kubonahala kuli mwa talelezo yapili ya bupolofita bo, ‘mazazi a mafelelezo’ naakalisize ka nako yanaakalile kubusa mulena Davida. Bakeñisa kuli Davida uyemela Jesu Mulena yali Mesia, bupolofita bo hape bukona kuama ku Jesu ka nako yaka yundisa lila zahae.—Isa. 9:7; Samu 2:8, 9.

JUNE 6-12

LITABA ZA BUTOKWA ZEZWA MWA LINZWI LA MULIMU | 2 SAMUELE 9-10

“Davida Naabonisize Lilato Lelisa Feli”

w06 6/15 14 ¶6

Ki Niti, Mwakona Kufumana Tabo

Davida naañozi kuli: “Tabo ki ya mutu yatusa wa mayemo a kwatasi; Jehova uka mulamulela mwa lizazi la ziyези. Jehova uka musileleza ni kumupilisa. Ukabulelwa kuba yatabile.” (Samu 41: 1, 2) Moya wanaabonisize Davida ka mwanaa tokomelezi Mefibosheti, mwanaa Jonatani mulikanaa Davida ya lateha, ki mutala wa moya omunde oswanelia kuboniswa ku babatokwile.—2 Samuele 9:1-13.

w05 5/15 17 ¶11

Zezwile Mubano Mwa Buka ya 2 Samuele

9:1, 6, 7. Davida naaezize ka mwanaa sepiselize. Ni luna luswanelia kulika ka taata kueza zelusepisize.

w02 2/15 14 ¶10

Nebatiyezi Miutwa Mwa Mibili ya Bona

¹⁰ Lilimo-limo hasamulaho, Mulena Davida, kabakala lilatotuna lahae ku Jonatani, naabonisize lilato la niti ku Mefibosheti. Davida naamufile mubu kaufela wa Saule mi naafile Ziba, mutangaa Saule, kuba yena mubabaleli wa mubu wo. Davida hape naabulelezi Mefibosheti kuli: “Ukacanga lico kwa tafule yaka.” (2 Samuele 9:6-10) Kusina kuliñi, lilato la niti la Davida neliomba-ombile Mefibosheti mi nelifikulize kwa matomola anaata-hisizwe ki buyanga bwahae. Ki tuto kwa butuna! Ni luna lulukela kubonisa sishemo ku babakatazwa ki muutwa mwa mubili.

Kubatisisa Litaba za Butokwa za Kwa Moya

it-1 266

Milelu

Buñata bwa batu ba kwa Upa ba mwa linako za kwaikale kukopanye-leza cwalo ni Maisilaele, nebaanga

milelu kuba ya butokwa hahulu ni yene ikutekehisa mutu. Mulao wanaafile Mulimu kwa Maisilae-le neuhanisa kukuta milili “ya fa katafunelo,” ili yona milili ye mwa-halaa zebe ni liito, ni mahaha. (Liv. 19:27; 21:5) Taba yeo yautwa-hala, kakuli mwa macaba amañwi kezo yeo neli kalulo ya bulapeli bwa buhata.

JUNE 13-19

LITABA ZA BUTOKWA ZEZWA MWA LINZWI LA MULIMU | 2 SAMUELE 11-12

“Musike Mwalumeleza Litakazo Zemaswe Kumizamaisa”

w21.06 17 ¶10

Mwakona Kubaleha Mwa Malaba A
Diabulosi!

¹⁰ Bakeñisa kuba ni mukwañuli, Mu-lena Davida naatuhezi kuitebuha lika zanaa mufile Jehova zecwale ka sifumu, libubo, ni kumutusa ku-tula lila zahae zeñata. Davida ka buitumelo naabulezi kuli lika za-naa mufile Mulimu neli zeñata hahulu kuli mane naasakoni ku-libala kabakala ‘buñata bwazona!’ (Samu 40:5) Kono ka nako yeñwi, Davida naalibezi lika zanaa mu-ezelize Jehova. Naasika kolwa ka lika zanaanani zona; naabata kuba ni zeñwi. Nihaike kuli naanani ba-

sali babañata, naabile ni takazo yemaswe ya kulobala ni musala mutu. Libizo la musali yo neli Bati-sheba, mi muunaa hae neli Uria wa Muhiti. Bakeñisa buitati, Davida alobala ni Bati-sheba, mi musali yo aitwala. Kwandaa kubuka ni musala mutu, Davida aeza sibi se-situna nikufita ka kulukisa kuli Uria abulaiwe! (2 Sam. 11:2-15) Taba yanaaezize Davida yeo yakomoki-sa. Naalibezi kuli Jehova naabona zeneezahala. Kusina taba kuli Da-vida naasebelelize Jehova ka nako yetelele, naabile ni mukwañuli mi naanyandile hahulu kabakala za-naaezize. Kono hamulaho wa nako, aipulela libi zahae mi abaka. Kaniti luli, naaitebuhile hahulu kuli Jeho-va naakalile kumushemuba hape! —2 Sam. 12:7-13.

w19.09 17 ¶15

Muipeye Kwatasaa Zamaiso ya
Jehova

¹⁵ Jehova naafile Davida buikala-belo bwa kuba toho ya lubasi ni bwa kuba mulena wa sicaba sa Isilaele. Ka kuba mulena, Davida naanani maata amatuna. Foku-ñwi, naaitusisanga maswe maata ahae mi naaezanga mafosisa amatuna. (2 Sam. 11:14, 15) Kono naabonisize kuli naaipeya kuutwa Jehova ka kuamuhela ka-limelo yanaa mufile. Davida

naalapezi ku Jehova ni kumataluseza mwanaaikutwela. Mi naaezize mwanaakonela kaufela kusebelisa kelezo yanaa mufile Jehova. (Samu 51:1-4) Kuzwa fo, naaikokobeza hahulu kuli mane naasika amuhela feela kelezo yanaafilwe ki baana kono hape naamuhezi ni kelezo yanaafilwe ki basali. (1 Sam. 19:11, 12; 25:32, 33) Davida naasika kutela kueza mafosisa aswana anaaezize mi naabonisize kuli kusebeleza Jehova neli yona nto ya butokwa hahulu mwa bupilo bwahae.

w18.06 17 ¶7

Mulute Lizwalo Lamina ka Milao ni Likuka za Mulimu

7 Halutokwi kukena mwa butata bobuswana ni bone baipumani ku bona batu bane balobile mulao wa Mulimu kuli luzibe zende ni zemaswe. Lwakona kuituta kwa mitala ya batu bane baezize mafosisa, bababulezwi mwa Linzwi la Mulimu. Liñolo la Liproverbia 1:5 lili: "Mutu yabutali wateezeza ni kuamuhela lituto zeñata." Kaniti, Mulimu ulultanga lituto zende hahulu halunze lubala ni kunahanisisa litaba zeneezahezi luli za batu bababulezwi mwa Bibele. Ka mutala, munahane butuku bobutuna bwanaaikutwile Mulena Davida kabakala kuloba mulao wa Jehova hanaabukile ni

Bati-sheba. (2 Sam. 12:7-14) Halunze lubala ni kunahanisisa likande leo, luipuzeñi kuli: 'Ki lika mañi zanaawanelu kueza Mulena Davida kuli asike aipumana mwa muliko wa kubuka ni Bati-sheba ni kusisitwa ki lizwalo lahae? Haiba niipumana mwa muliko oswana, kana nikakona kuutiyela? Kana nikabaleha sina mwanaaezelize Josefa, kamba nikakomiwa ki muliko wo sina mone kubezi ku Davida?' (Gen. 39:11-15) Halunahanisisa lika zemaswe zekona kuezahala haiba lueza sibi, lukaikatulela 'kutoya bumaswe.'

Kubatisisa Litaba za Butokwa za Kwa Moya

it-1 590 ¶1

Davida

Nihakuli cwalo, Jehova naabona zeneezahala kaufela, mi naapatulu zi bufosi bwabona. Kambe Jehova naalumelelize taba ya Davida ni Bati-sheba kuli iatulwe ki baatuli ba butu ka kuya ka Mulao wa Mushe, Davida ni Bati-sheba nebaka bulaiwa, mi mwana yanaasali mwa mba naaka shwa. (Deut. 5:18; 22:22) Nihakulicwalo, Jehova ki yena yanaatuzi taba mi abonisa Davida sishemo bakeñisa tumelelano ya Mubuso (2 Sam. 7:11-16), mi hape

kusina kukakanya, Davida ni yena naabonisize sishemo (1 Sam. 24: 4-7; mubapanye Jak. 2:13) ku-zwa fo Jehova naalemu-hile kuli Davida ni Bati-sheba nebabakile. (Samu 51:1-4) Kono nebatalima-ni ni miinelo yetataa yenetisizwe ki bufosi bwabona. Ka kuitusisa mu-polofita Natani, Jehova naabulezi kuli: “Nika kutahiseza kozi kuzwele-la ku ba ndu yahao.”—2 Sam. 12: 1-12.

JUNE 20-26

LITABA ZA BUTOKWA ZEZWA MWA LINZWI LA MULIMU | 2 SAMUELE 13-14

“Buitati Bwa Amunoni Nebuta-hisize Butata”

it-1 32

Abisalomi

Amunoni wabulaiwa. Bakeñisa kuli Tamare kaizelaa Abisalomi naabu-heha, Amunoni muhulwanaa hae kubo ndatahe akala kumulakaza. Amunoni aipumisa kukula ilikuli Tamare atahe kuyena kuto muluki-seza sico, mi hasamulaho aswala kaizelaa hae likalala. Takazo ya Amunoni ya kubata kulobala ni kaizelaa hae yafetuha kuba sito-yo sesituna mi hasamulaho amuleleka. Tamare apazula siapalo

sanaatinile sene sibonisa kuli neli mwanaa mulena wa mwalyanjo, mi akopana ni Abisalomi inze aisuku-lulezi mufuse kwa toho. Kapili-pili Abisalomi aanga kaizelaa hae mi kubonahala kuli naaziba kuli Amu-noni naalakaza Tamare. Abisalomi ataluseza kaizelaa hae kuli asike abulelela mutu taba yeo, mi amuu-nga ni kumuisa kwa ndu yahae.—2 Sam. 13:1-20.

w17.09 5 ¶11

Mube ni Buiswalo

¹¹ Mwa Bibele, lufumana mitala yeli litemuso ya batu bane basika bo-nisa buiswalo ka kuikenya mwa muzamao wa buhule. Hape Bi-bele ibonisa lika zemaswe zekona kutiswa ki muzamao ocwalo wa kutokwa buiswalo. Mutu yali mwa muinelo oswana ni wanaali ku ona kaizeli Kim uswanela kunahanisia taba ya mutanga-na yasina ngana yatalusizwe kwa Liproverbia kauhanyo 7. Hape, mu-hupule zanaaezize Amunoni ni lika zemaswe hahulu zeneezhezi ku yena hasamulaho. (2 Sam. 13:1, 2, 10-15, 28-32) Bashemi bakona ku-tusa bana babona kuba ni buiswalo ni butali mwa litaba za mabato, ka konyakisisa taba yeo ka nako ya kulapela sina lubasi, mi bakona kuitusisa mitala ya mwa Bibele ye-sazo taluswa.

it-1 33 ¶1

Abisalomi

Kwafita lilimo zepeli. Neli nako ya kukuta lingu, ili nako ye kueziwanga mukiti, mi Abisalomi alukisa mukiti kwa Baale-Hazori ili sibaka sene sili likilomita zebato ba 22 kwa mutulo-upa wa Jerusalema, mi amema bana ba mulena ni mulena Davida kasibili. Ndatahe hanaahnile kutaha, Abisalomi atundamena kuli alumeleze Amunoni, yena mweли wahae, kuli atahe mwa sibaka sahae. (Liprov. 10:18) Kwa mukiti, Amunoni ‘hanaakozwi waine,’ Abisalomi alaela batanga bahae kumubulaya. Bana ba mulena babañwi bakutela kwa Jerusalema, mi Abisalomi abalehela ku kuku wahae wa kwa Siria mwa mubuso wa Geshuri kwa upa wa Liwate la Galilea. (2 Sam. 13:23-38) “Mukwale” one upolofitilwe ki mupolofita Natani wakena mwa “ndu” ya Davida mi neuka zwelapili cwalo kuisa kwa mafelelezo a bupilo bwahae. —2 Sam. 12:10.

Kubatisisa Litaba za Butokwa za Kwa Moya

g04 12/22 8-9

Mufuta wa Bunde Bobuli Bwa Butokwa

Ka kushutana, halunyakisiseňi mitala wa Abisalomi, yomuňwi wa

bana babashimani ba Davida. Ni-haik e kuli neli yomunde kwa ponahalo, naanani mikwa yemaswe. Bibele ibulela ka zahae kuli: “Cwale mwa Isilaele kaufela, nekusina muuna yanaalumbiwa hahulu kabakala bunde bwa ponahalo yahae sina Abisalomi. Naasina fanyazahala, kukalela kwa mahutu ahae kuisa kwa toho yahae.” (2 Samuele 14:25) Nihakulicwalo, buikuhumuso bwa Abisalomi bwatahisa kuli akwenuhele ndatahe ni kubata kumuzwisa fabulena. Mane naasilafalize lie-ndi za ndatahe. Kueza cwalo kwatahisa kuli Abisalomi afoseze Mulimi mi naashwile lifu lelibutuku.—2 Samuele 15:10-14; 16:13-22; 17:14; 18:9, 15.

Kana muikutwa kuli mwakona kuba balikani ba Abisalomi? Batili. Naali mutu yanaanani mikwa yemaswe. Bunde bwa ponahalo yahae nebusika mutibela kuba ni buikuhumuso ni kusa sephala, mi nebusika tahisa kuli asike abulaiwa. Niteňi, mwa Bibele kunani mitala yemiňata ya batu bane banani butali ni mikwa yemiňwi yeminde, mi haibuleli ka za ponahalo ya bona. Kubonahala kuli sa butokwa neli mikwa yabona yeminde.

JUNE 27-JULY 3

**LITABA ZA BUTOKWA ZEZWA
MWA LINZWI LA MULIMU |
2 SAMUEL 15-17**

**"Abisalomi Naabile Mukwenuhe-
li Bakeñisa Buikuhumuso"**

it-1 860

Mutu Yamata Kwapili

Batu ba mwa linaha za kwa upawa Asia nebanani sizo sa kuli batu babañwi nebamatanga fapilaa koloi ya mulena ilikuli bazibahaze ka za kutaha kwa mulena ni kumufa tuso yeñwi yanaatokwa. (1 Sam. 8:11) Ka kulikanyisa sizo seo, Abisalomi ni Adonija ka nako yene bakwenuhezi mulena, nebalukisize kuli batu ba 50 bamate fapilaa likoloi zabona ilikuli batu babakuteke hahulu. —2 Sam. 15:1;1 Mal. 1:5.

w12 7/15 13 ¶5

Musebeleze Mulimu Yafa Tukuluho

⁵ Mwa Bibele kunani mitala yemiñata ya batu bane basusuelize batu babañwi kueza lika ze maswe. Yomuñwi wa batu bao ki Abisalomi, mwanaa Mulena Davida. Abisalomi neli mutu yanaa buheha hahulu. Ka kuswana ni Satani, naalumelelize takazo yemaswe kuhula mwa pilu yahae. Nihaike kuli naasina tukelo ya kuba mulena, Abisalo-

mi naabata kuli yena abe mulena isiñi ndatahe. Kuli alike kupeta mulelo wahae, Abisalomi akolwisa batu kuli naabata kubatusa mi ababulelela kuli mulena naasabati kubatusa. Sina feela mwanaa ezelize Satani mwa simu ya Ede ni, Abisalomi naakolwisize batu kunahana kuli yena naaba baba lela mi ka nako yeswana abulela buhata bobutuna ka za ndatahe. —2 Sam. 15:1-5.

it-1 1083-1084

Hebron

Hamulaho wa lilimo, Abisalomi mwanaa Davida akutela kwa Hebron mi teñi ko naalikile kuamuha ndatahe mubuso kono naapalezwi. (2 Sam. 15:7-10) Abisalomi mwendi naaketile muleneñi wa Hebron kuli akalele mwateñi puso yahae ka libaka la kuli muleneñi wo neli wa butokwa ka nako yeñwi kakuli neubanga ona muleneñi omutuna wa Juda, mi hape ki mona mwanaapepezwi. Hasamulaho, Mulena Roboami muikulu wa Davida naayahile sincia muleneñi wa Hebron. (2 Makol. 11:5-10) Hamulaho wa kusinyiwa kwa Juda ki Mabilona, mi Majuda hase bakutile kuzwa mwa buhapiwa, Majuda babañwi bane bakutile nebayahile mwa Hebron (yona Kiryati-Ariba). —Neh. 11:25.

Kubatisisa Litaba za Butokwa za Kwa Moya

w18.08 6 ¶11

Kana Mwaziba Litaba Kaufela?

¹¹ Ni luna lwakona kuikutwa buma-swe haiba batu bahasanya litaba zesi za niti luli ka za luna. Halunyakisiseňi mutala wa Mule-na Davida ni Mefibosheti. Davida naabonisize Mefibosheti sishemo sesituna ka kumukutiseza naha ka-ufela ya kuku wahae Saule. (2 Sam. 9:6, 7) Kono hasamulaho, Davida abihelwa litaba zemaswe ka za Mefibosheti. Kufita kubatisisa niti ya taba, Davida aamuha Mefibosheti maluwo ahae kaufela. (2 Sam. 16: 1-4) Kono Davida hanaaambozi ni Mefibosheti hasamulaho, alemuha kuli naaezize mafosisa, mi akuti-seza Mefibosheti maluwo amañwi. (2 Sam. 19:24-29) Kambe Davida naabatisisize litaba kaufela pili ni kusamatukela kueza katulo, Mefibosheti naasike aezwa maswe ka nzila yeo.

